

聖濟總錄

吳錫璠署

大德重校聖濟總錄卷第六十八

吐血門

吐血統論

論曰古人論吐血有三一曰內衄二曰肺疽三曰傷胃內衄者近從心肺間津液出還流入胃色如豆汁凝留胃中滿悶即吐如衄血狀是也肺疽者飲酒滿悶即吐血從吐出少或一合多至一升是也傷胃者食飲過度胃冷不化煩悶強嘔食物與氣俱上衝蹙胃脘因致傷損吐血鮮赤是也三者證雖不同要之皆由太虛損及飲酒勞傷所致巢元方曰肺者五藏上蓋也心肝又俱主血上焦有邪則傷諸藏藏傷血下入於胃胃得血則悶滿氣逆氣逆故吐血也孫思邈又曰吐血之後體中但自恹恹然心中不悶者輒自愈凡是之類學者宜審

吐血

論曰吐血病者有三種一則緣心肺蘊熱血得熱則妄行下流入胃胃受之則滿悶氣道賁衝故令吐血二則虛勞之人心肺內傷恚怒氣逆肝不能藏血投虛而出因怒氣逆甚則嘔血三者緣酒食飽甚胃間不安或強吐之氣脉奔亂損傷心胃血隨食出此名傷胃各隨證以治之

治吐血羚羊角湯方

羚羊角

鎊三兩

伏龍肝

伍兩

熟艾

炒壹兩

地榆

去土

牛膝

去苗焙

酒

牡丹

去心各貳兩

芍藥

炒四兩

阿膠

炒令燥壹兩

柏葉

炙

大薊根

各三兩

雞蘇葉

壹握

蟬蛻

黃慢火炙伍枚

右一十二味粗擣篩每服三錢匕水一盞入生薑半分拍碎同煎至七分去

滓溫服

治吐血乾地黃湯方

生乾地黃

焙捌兩

伏龍肝

陸兩

芍藥

壹兩

當歸

酒浸切焙三兩

桂皮

去粗

赤芍藥

白芷

乾薑

炮裂各二兩

細辛

去苗葉半兩

甘草

炙剉壹兩

吳茱萸

湯浸去涎炒去豆用二兩

右一十一味粗擣篩每服三錢匕水酒各半盞同煎至七分去滓溫服空心食前服

治肺損吐血嗽血通聖散方

金星石

銀星石

太陰玄精石

雲母

陽起石

不灰木

右六味等分以甘鍋子一枚先入羅過紫冬灰

水牛糞是也

可厚一二寸鋪藥一

重以灰一二寸築令實又鋪藥一重准前以灰蓋後鋪藥盡為度上下以灰封蓋以泥固濟不限藥多少皆用炭一秤於靜室中周密不通風處火煨一日一夜候冷取於淨地掘一坑子深一尺許埋鍋子一宿取出先揀出藥塊子餘以粗羅羅去灰取藥碾為末更入乳鉢研令極細即入罐子內收之每藥末一兩入龍腦麝香各半錢阿膠一分炒同研入前件藥末一兩內合和令勻每服一錢或半錢匕以糯米少許研細入薄荷汁蜜各少許同煎為飲候溫調下空心日午臨卧各一服

治吐血五通散方

巴豆

伍拾枚
去皮

白麤

壹兩

郁李人

三伯伍
拾枚

鹽豉

三伯伍
拾粒

伏龍肝

貳兩

右五味鍋子內炒熟不住手攪以煙青為度傾出放濕地出火毒擣羅為散每服半錢匕溫蜜水調下如患咯血用前件藥末一兩鄆州蛤粉二兩同研羅細每服一錢匕薤汁半盞生油兩點食後調服治吐血及一切血病諸藥不効者烏金散方

鯪鯉甲

肆角

犀角

肆錢

黃明膠

壹兩

赤鯪魚皮

各壹兩

胎髮

壹兩半

獨角仙

壹枚翅頭足去

右六味用瓦藏瓶一枚底下開竅內藥以紙筋塗固濟暴乾用炭五斤簇燒纔候煙絕撥去火放冷取出細研為散每服一錢匕旋入膩粉少許吐血鼻衄不止新汲水調下產後血運昏迷悶亂不知人冷醋湯下血氣溫酒調下咯血及血積藏毒下血赤白痢血痢蠱毒痢腸風及五痔下血並米飲調下臨卧空腹服更相度虛實可加至二匕服藥後取下積聚物為効

治男子婦人咯血吐血阿膠散方

阿膠

炒令燥

白及

白芷

白欬

黃蘗

去粗皮蜜水浸炙赤色各壹兩

右五味搗羅為散每服三錢匕糯米粥飲調下空心食前日三小兒量減治飲食傷肺吐血并嗽血五勝湯方

木香

蜜陀僧

蟬殼

去足

甘草

炙劉各半兩

黃明牛膠

兩片將炙壹

片生劉

右五味粗搗篩每服三錢匕水一盞煎至五分去滓食後良久溫服

治吐血黃耆散方

黃耆

劉

白及

白欬

黃明膠

炒令燥各貳兩

右四味搗羅為散每服二錢匕糯米飲調下

治吐血綠雲散方

柏葉

百合

人參

阿膠

炙令燥各二兩

右四味搗羅為散每服二錢匕用糯米粥飲調下

治吐血神效金珠丸方

丹砂

半兩

金薄

四片

蚯蚓

三條

右三味先將丹砂金薄研細後將蚯蚓同研和前二味為丸如小兒子大每

服一九冷酒下不嚼

治吐血咯血神効散方

鹿角膠

炙令燥

黃蘗

去粗皮各半兩

杏仁

四拾枚

麩炒黃

湯去

右三味搗羅為散每服一錢匕用白麵一錢溫水同調下食後再服

治吐血金粉湯方

熟乾地黄

焙

蒲黃

各壹兩

芎藭

半兩

右三味粗搗篩每服三錢匕水一盞半入糯米十四粒同煎至七分去滓溫

服

治吐血咯血綿灰散方

新綿

壹兩燒灰

黃明膠

炙令燥

黃蘗

去粗皮蜜炙為末各壹兩

右三味細研每服一錢匕地黃汁糯米飲相和調下食後臨卧服

治吐血咯血金沙湯方

紫金沙

野蜂窠帶是半兩

貝母

去心貳錢生用盧會錢壹

右三味粗擣篩每服二錢匕水半盞入蜜少許煎一兩沸去滓細呷空心食

後臨卧服

治吐血熱極紫參散方

紫參

阿膠

炒燥各二兩

甘草

炙剉壹兩

右三味擣羅為散每服二錢匕溫糯米飲調下不計時候

治吐血杏蜜膏方

猪脰

壹具用瓷器煮爛冷水浸去膜

杏人

去皮炙蜜熟各雙入炒蜜貳兩

右三味同研飯上蒸入木香附子末各二錢和勻成膏每服半匙酒一盞調

下日三

治吐血藕汁散方

白茯苓

去黑皮

生乾地黄

焙

蒲黃

右三味等分搗羅為細散每服二錢匕生藕汁半盞調勻頓服立止

治吐血獨聖散方

晚桑葉

微焙不計多少

右一味搗羅為細散每服三錢匕冷臘茶調如膏入麝香少許夜卧含化嚥

津只一服止後用補肺藥

治吐血補肺煮肺散方

杏仁

壹伯貳拾粒去皮尖新瓦上焙研

百合

四兩

糯米

壹合

蔥白

三莖並同杏仁法

右四味和勻猪肺一具入藥在內麻線繫沙鍋內煮水去一半翻轉令熟竹

片切葱藥細嚼蜜湯下服至五具為度

治暴吐血嗽血貫眾散方

貫眾

壹兩

黃連

去須年老者半兩年少者三分

右二味搗羅為細散每服二錢匕濃煎糯米飲調下立止

治吐血雲雪散方

雲雪

寒食麴是

蒲黃

各壹兩

聖濟總錄

卷六十八

吐血門

四

右二味並生用研勻每服二錢匕冷水調下

治吐血香草湯方

莎草根

去毛伍兩

甘草

壹兩剉炙

右二味粗搗篩每服二錢匕水一盞煎取七分去滓溫服

治吐血鹿角膠丸方

鹿角膠

炙令燥

黃蘗

去粗皮各壹兩

右二味搗羅為末入杏仁四十九枚湯浸去皮尖雙人炒黃研細拌勻鍊蜜和丸如櫻桃大每服一丸含化嚥津

治諸般吐血朱粉散方

丹砂

研飛

蛤粉

右二味等分研細合和令勻每服二錢匕溫酒調下

治吐血黃蘗散方

黃蘗子

防己

右二味等分搗羅為散每服一錢匕煎小麥湯調下吐甚者一服減二服定

治吐血異功散方

人參壹兩

右一味搗羅為散以密絹再羅令極細五更雞鳴時打雞子清調如稀糊匙抄服若服一兩人參盡甚好不盡半兩亦可服訖却卧

治吐血槲葉散方

槲葉不拘多少

右一味搗羅為散每服二錢匕水一盞煎五七沸和滓溫服不拘時候

治肺損吐血糯米飲方

薤菰

右一味每一二十葉用紙貼放著肉處至乾切不可照收貼起如有患旋碾羅作細末每服先研糯米濃飲煎若煎餅麴稀稠可八分一盞抄藥末一匙頭同攪調勻臨卧溫服

治吐血咯血青金散方

荷葉不拘多少

右一味焙乾搗羅為散米飲調下二錢匕

治吐血黑神散方

栝樓取端正者紙筋和泥通裏於頂間留壹眼子煨存性地坑內含壹宿

右一味去泥搗羅為散每服三錢匕糯米飲調下再服止

治吐血艾灰散方

艾不拘多少

右一味燒灰細研每服二錢匕新汲水調下

治忽吐血一兩口地黄飲方

生乾地黄焙伍兩

王不留行 牡丹皮各二兩 赤芍藥

萆薢各四兩 麥門冬焙去心 續斷

牛膝焙切 阿膠炙燥各三兩

蟻螬研伍枚

右一十味除蟻螬外粗搗篩以生地黃汁三升赤馬通汁三升并蟻螬同煎

至三升半去滓分溫六服空心食前

治吐血衄血大小便出血竹葉芍藥湯方

竹葉陸合

赤芍藥

甘草炙剉各壹兩 阿膠炙燥三兩

當歸切焙壹兩半

右五味粗搗篩每服五錢匕水一盞半煎至八分去滓溫服食後日二服

治心肺熱極喘滿吐血地黄飲方

地黃汁 生藕汁 小薊根汁 牛蒡汁各貳合 生蜜

生薑汁各壹合

右六味和勻徐徐呷之以差為度

治吐血唾血赤芍藥散方

赤芍藥 當歸切焙 附子炮裂去皮臍 黃芩去心 白朮

甘草炙剉各壹兩 阿膠炙燥二兩 生乾地黃焙乾四兩

右八味搗羅為散每服三錢匕空腹溫酒調下日三服

治肺損吐血綿膠散方

新綿燒灰研 黃明膠炙燥搗末

右二味等分研勻每服一錢匕臨卧糯米飲調下

治吐血溺血衄血竹茹湯方

青竹茹剉壹升 芍藥貳兩 芎藭 當歸切焙 桂去粗皮

甘草炙剉各三兩 黃芩去心三分

右七味粗搗篩每服三錢匕水一盞煎至八分去滓溫服不拘時

治吐血及大小便血三物湯方

生地黃

半兩

阿膠

炙令燥
三兩

白欬

兩

右三味㕮咀如麻豆每服七錢匕水二盞煎至八分去滓空腹溫服

治吐血方

蛇蛻

燒灰

右一味研細每服一錢匕冷熱水調下不拘時候

治吐血天南星散方

天南星

壹兩剉如
骰子大

右以炭灰汁浸一宿漉出湯洗焙乾搗羅為散每服一錢匕酒磨自然銅調

下

治肺損吐血不止地黃飲方

生地黃

剉兩研
取汁

鹿角膠

壹兩炙燥
碾為末

右二味先以童子小便五合於銅器中煎次下地黃汁及膠末打令勻煎令

銕十沸後分作三服當止

又方

地黃汁

陸合

牛皮膠

壹兩細切

生薑

壹兩

梔子

如大
碎

右三味先以二味於銅器中煎十數沸次下牛皮膠煎令消濾去生薑分作兩服喫便止或微轉一行不妨

又方

訶梨勒生為末白麵炒

右二味等分每服二錢匕糯米粥調下

又方

白藥四兩燒存性以盞蓋地上出火毒為末每服三錢匕糯米飲調下

吐血不止

論曰藏真高於肺而主氣藏真通於心而主血藏真散於肝而藏血是三者或因愁憂思慮與夫恚怒氣逆傷之則氣亂而血妄行下入於胃胃受之則滿脹其氣衝責於上故吐血不止也

治吐血不止極者大効聖散方

金星石 銀星石 禹餘糧

寒水石以上並碎 不灰木 半夏湯洗柒偏去滑生薑汁製焙

大黃剉

蛤粉

右八味等分搗羅為散每服一錢匕新汲水調更入龍腦少許佳兼解五毒

治吐血不止阿膠散方

阿膠

炒令燥半兩

生乾地黄

焙壹兩

人參

壹分

黃蘗

去粗皮蜜炙

蟬殼

去土

甘草

生剉

黃耆

剉各半兩

右七味搗羅為散每服一錢匕糯米飲調下不拘時候服

治吐血不止苧根散方

苧根

人參

白朮

蛤粉

各壹分

右四味搗羅為散每服一錢匕糯米飲調下不拘時候

治吐血不止金花散方

黃蘗

去粗皮塗蜜炙令赤二兩

寒食麴

微炒壹兩

黃明膠

炙令燥壹兩

右三味搗羅為散每服三錢匕冷熱水調下食後臨卧服

治吐血不止鼈甲散方

鼈甲

壹兩剉蛤粉

壹兩

內炒香

相和於

熟乾地黄

壹兩半

右三味搗為細散每服二錢匕食後臘茶清調下服藥訖可睡少時

治吐血不止鬱金散方

鬱金

雨壹

蓮實

去皮

黃耆

劉各壹分

右三味搗羅為散每服一錢匕冷水調下不計時候服

治吐血不止二黃湯方

生乾地黄

焙

蒲黃

各壹兩

右二味粗搗篩每服二錢匕水一盞入竹葉七片煎七分去滓放冷細呷食後

治吐血不止調胃散方

紫背荷葉

焙半兩

黃耆

劉壹分

右二味搗羅為細散每服一錢匕生薑蜜水調下不拘時候

治吐血咯血不止白斂湯方

白斂

三兩

阿膠

二兩炙令燥

右二味粗搗篩每服二錢匕酒水共一盞入生地黃汁二合同煎至七分去滓食後溫服如無地黃汁入生乾地黄一分同煎亦得

治吐血肺損不止白金散方

白麴

九節菖蒲末

各壹兩

右二味再研勻每服二錢匕新汲水調下未止再服如中暑毒氣生薑蜜水調下

治吐血似鵝鴨肝晝夜不止生犀散方

犀角

二兩 屑生用

桔梗

二兩 生用

右二味搗羅為散煖酒調下二錢匕

治吐血成塊不止若葉散方

若葉

半兩 燒灰

楓香脂

壹兩

右二味研為散每服一錢匕煎黃牛皮湯調下不計時候服

治吐血不止人參散方

人參

壹分

天茄子苗

半兩

右二味搗羅為散每服二錢匕新水調下不拘時

治血妄行入胃吐血不止黃耆散方

黃耆

半兩 細剉

五靈脂

壹兩

右二味搗羅為散每服二錢匕新汲水調下不拘時

治吐血不止黃藥湯方